

鄢陵文獻志

鄆陵文獻志卷三十九

鄆陵蘇源生菊邨纂

文詞志三

詩

宋

王撫軍庾西陽集別時為豫章太守庾被徵還東

沈約宋書曰王宏為豫州之西陽太守入為太子軍將軍江州刺史庾登之為西陽太守入為太子庶子集敘曰謝還豫章庾被徵還都王撫軍送至湓口南樓作

謝瞻

祇召旋北京守官反南服方舟析舊知對筵曠明牧
舉觴矜飲餞指途念出宿來晨無定端別晷有成速

文獻志

卷三十九

一

頽陽照通津夕陰曖平陸榜人理行艫輶軒命歸僕
分手東城闡發棹西江隩離會雖相親逝川豈往復

誰謂情可書盡言非尺牘

見昭明文選

宋

崔象之中舍宰陽翟

韓琦

君於榮利已恬然此治韓城屬薦賢惠政即隨春共
煦道心常與月同圓門疏俗客禪詮遠亭掩修篁定
力堅

君第有小亭竹徑蕭然君終日危坐於此

思退幾人書上籍可容名

記託新篇

君有休官簿與君同約者則書之

崔象之宰韓城

韓琦

去年同舉菊花觴自揭清音入醉鄉此日高秋來一
別幾旬佳節負重陽風生古操安新治雨徹疏茅鎖
舊堂君治之東齋也民里更繁應自化宰君心地本空王
寄崔象之國博

韓琦

知君爲邑解銅章卻復先廬坐葆光對境風幡俱不
問安禪心法兩皆忘滿庭修竹爭高節近砌幽蘭稱
獨芳若論厭喧遭拄杖何如趣駕返周行

次韻答崔公孺國博

韓琦

向陪亡室鵲鴿原正是輕霜九日天醉語忘形幾爾
汝詩豪揮紙速雲烟思窮碧落今無術淚灑黃花兩

文獻志

卷三十九

二

換年一覽嘉章生百恨孤懷還昧覺心圓

次韻答崔公孺國博西亭感懷

韓琦

常喜交親燕此中忽移歡緒作悲翁桃陰已盛何曾
語檜影長閒不厭風數漏趁朝心拱北忍饑開閣客
盈東人生易別須偷暇爲我樽酒話苦空

留崔公孺國博

韓琦

虛亭還喜叩禪詮頓覺襟懷鄙吝捐陶暑屢開河朔
飲聚星看別潁川賢我縻東府成衰叟君向西湖卽
洞天且緩歸期時一笑及瓜趨闕動三年

次韻和崔公孺國博西亭感懷

韓琦

常虛西館待高賢一見襟懷兩釋然且叩眞詮期進
道不論衰鬢逐週年頑金在礦須煩變逸驥無鞭亦
自前相約屢辭雖未得已齊朝市與林泉

貽崔公孺國博

韓琦

三十年來契分隆更從親炙達眞空明非獨善諸昏
破理到無心萬世通莫話離悰傷祖席且留歡刻醉
春風海棠亭下花看發坏子臙脂點點紅

次韻答崔公孺國博西亭燕飲

韓琦

一稔繁機困備員芳時何暇目春妍自慙東閣延才
地得會西豪聚里賢益友至言皆有味禪宗高論邈

文獻志

卷三十九

三

無邊須知樽酒相留意老去離懷異少年

次韻答崔公孺比部至陳橋驛來別相會

韓琦

永日勞君倍驛馳相期無失見相思義均呂駕來千
里情過陽關盡一卮喜接禪醫開道眼愧逢詩將立
降旗此行且縱漳濱臥免弄幽并俠少兒

以上見安陽集

答崔象之見謝之作

韓維

陰風吹沙走長衢方駕往過君之廬主人好事樂閒
尚揖我謂我非俗儒欣然開館掃塵榻語論清簡發
不虛投冠釋帶聊自放安用俗禮空囚拘分明四座

鬪巧奕聊以勝負爲歡娛呼兒稍稍出珍玩瘦器礪
砢承枯株持竿拂壁似有重最後乃挂雙海圖云昔
武皇恃威壯驅石塞海怪可吁鞭笞鬼神各就事簞
弄旗幟翻以舒魚龍驚逃波浪惡左右出沒揚牙鬚
但憐物類頗幽怪畫手安辨曹與吳北軒卻下步小
徑竹深桂淨何縈紆我來方冬氣凜冽已愛翠色侵
衣裾卽看春風撼芽甲定見紅紫相欹扶乘閒取醉
更何適主人勿遽嫌喧呼

答象之謝惠黃精之什

韓維

仙經著靈藥茲品上不刊服之歲月久衰羸反童顏

文獻志

卷三十九

四

巖居有幽子乘時斲蒼山溪泉濯之潔秋陽暴而乾
九蒸達晨夜候火不敢安持之落城市誰復着眼看
富貴異所嗜口腹窮甘酸貧賤固不暇錐刀乃其干
坐使至靈物委棄同草菅惟君冲曠士敦然守高閑
食之易爲力天和中自完故以此爲饋其容幾一簞
報我三百言浩浩馳波瀾何以諭珍重如獲不死丹
方當煩燠時把玩毛骨寒他年靈氣成與子驂雙鸞
晚過象之葆光亭步月

韓維

浮沉閭里閒放志謝維繫行貪月色靜歸犯霜華濕
寒鼓出城重飛星過樓急卻想竹庭下主人猶獨立

象之以山藥見贈

韓維

龍山有游客贈藥滿筠籠葉漬沙泉碧苗分石竇紅
斷應侵曉露來喜及春風卻笑丹砂遠辛勤勾漏翁
同化光飲象之家

又從鄰舍客來折主人花游處當年似悲傷老去加
興長歌易放情密語無譁歸路生殘月春風醉袂斜

以上見
南陽集

和象之北軒書事

韓維

舍北多嘉樹垂陰及四鄰清風常滿竹好鳥不驚人
圖史無他物謳吟佚此身應容里中客一醉倒冠巾

文獻志

卷三十九

五

見宋
文鑑

和象之石磬

范純仁

誰向西山選翠琳中含自然太古音昔逢虞帝來祥
鳳今與陶家伴素琴清越乍敲修竹裏堅方眞合哲
人心一鑄名姓將難朽千載知君道德深

見范忠
宣集

書鄢陵王主簿所畫折枝二首

蘇軾

論畫以形似見與兒童鄰賦詩必此詩定非知詩人
詩畫本一律天工與清新邊鸞雀寫生趙昌花傳神
如何此兩幅疎澹含精勻誰言一點紅解寄無邊春
瘦竹如幽人幽花如處女低昂枝上雀搖蕩花間雨

雙翎決將起衆葉紛自舉可憐採花蜂清蜜寄兩股
若人富天巧春色入毫楮懸知君能詩寄聲求妙語

見蘇文
忠公集

元

鄢南別客

馬祖常

稜層林表白浮圖古鄢城高旅望孤秋雨喜沾梁土
麥暝烟愁合楚田蕪行人北上隨沙雁歸客南還對
渚鳧溱洧波清多草樹百年生聚尙繩樞

見石
田集

鄢陵

陳孚

鄢陵昔構兵萬騎夜流血一矢忽飛來射落楚山月

文獻志

卷三十九

六

哀哉公子側戰骨當速朽胡爲三日穀易此半樽酒
我今不飲酒但飲落月光晉楚杳何處雉鳴烟茫茫

岡中交
州集

明

鄢陵懷古

薛瑄

匹馬西來歲暮時重過陳實道傍祠德星亭古留遺
趾鳴鳳聲遙有舊陂閱世彭錢岡尙在興唐如晦冢
空遺更看風土溇龐處千載猶傳孝子詩

見薛文
清公集

送孫先生俊致仕歸鄢陵

薛瑄

先生七十引年歸送別都門柳絮飛潞水東風斜捲

幔金臺晚照遠
銜衣收功桃李心
初遂行樂桑榆志
未違况復潁川多
故事到家爭仰德
星輝

歸老儒官七十餘
扁舟唯載舊詩書
泥融野岸晴飛燕
飯熟行庖曉薦魚
花柳風煙新歲月
桑麻雨露舊村墟
到家處處堪行樂
應有兒童爲挽車

彭祖岡南古潁川
先生茅屋尙依然
甘貧已道爲官好
勇退爭誇引老賢
歸路載添新白髮
到家惟有舊

青氈耆英洛社如
堪結留取風流久
遠傳

見薛文清公集

鄢陵懷古

孫子良

鄢陵原上草連坡
匹馬行行柰遠何
百里桑麻沾雨

文獻志

卷三十九

七

足滿園桃李得春
多錢鏗遺冢烟霞
在曹操荒臺麋鹿
過更向郭中尋故
事邑人偏解說甘
羅

夏孝子榮

梁 俯

結廬親冢倚荒陂
朝夕如存夢寐思
花落烏啼三載易
霜寒露冷寸心悲
勿驚野火風回滅
還喜新松鹿護持
孝感應傳青簡裏
憑軒更誦蓼莪詩

送大尹焦君復任鄢陵

張 睿

寬仁爲政羨才優
共惜丁艱去莫留
復任新承天子命
重來深慰邑民憂
絃歌百里風還古
禾黍千村歲有秋
此去琴堂應臥治
棠陰仍聽舊時謳

鄆陵懷古

曹 汴

一入鄆陵望眼迷山川因感昔人非浪傳彭祖昇仙
去不見甘羅拜相歸宿草尙凝如晦墓秋風誰掩許
由扉登高轉覺增惆悵聒耳寒蟬送夕暉

廣鄆陵懷古

焦 玓

鄆邑登臨思欲迷當年城郭已知非名賢尙想人何
在華表空憐鶴未歸漆井泉深遺勝蹟德星臺古掩
閒扉題詩對鏡多傷感惟有青山共落暉

郊餞陳文岡

蔡 夔

嶽色河聲動去旌白雲紅葉縮離情棠陰甘雨懷田

文獻志

卷三十九

八

父泮水春風坐後生諫草盡聞收國史孝廉端不負

鄉評聖君卜相應須識歷試先令有重名

見汶濱先生集

園亭卽事

陳 斐

爲適烟霞趣來尋詩社盟客憐花共笑人傍月同清
頻勸樽中物休誇身外名駐顏須大藥滄海易遷更

送胡三原陞四川少參

陳 斐

十二年來玉笋行每趨金殿侍清光仙堦初引三曹
履郎秩終含兩署香菊蕊有情離席艷薇花得地錦
城芳看君籠鶴將琴去萬壑松風閣道長

胡鶴臯東園用王龍岡邑侯韻

陳 斐

片片花飛逐水東，尚餘崖桂小山叢。
玉琴調月心同遠，白鶴盤霄勢欲翀。
三徑謾勞誇蔣詡，一亭端不數揚雄。
看君似是青城客，仙侶重來勝地中。

送陳西坡南歸

陳 棐

年少高峯說寫生，聲名忽在帝都城。
虎頭金粟毫端妙，烏帽朱門儀度明。
鄉國三秋應悵望，交遊四海漫留行。
五雲宮闕回首綵服，荆花遠繫情。

寄鄢陵尹張鳳臺

李開先

折獄由來惟一語，法持三尺不戕民。
官清莫謂衙齋冷，仁被閭閻暖似春。

文獻志

卷三十九

九

舊政煩苛從實減，新來戶口不虛增。
拔葵飲水真廉

吏會有天書，早見徵

初任平湖再任鄢陵俱有德政

寄答梁無它年丈

時權蕪湖

侯 恪

商邱人

憶爾蕪湖上官忙，不礙遊兼將山水。
調寫入芷蘭秋岫影，牽撓過泉聲。
策杖收蘆花風白，處料應起鴻愁譜。
盡名山著權，關事事清江通吳楚。
國島接鳳凰城，有石堪登袖無雲。
不沸鑄聖朝新罷稅，雅興足生平每寄看山約。
酷爲聽壑吟，君能驕屐齒。我欲謝冠簪，日落江南夢。
霜殘薊北心，漁鳧兼野鹿。終得老秋林，雪中喜梁無它年丈至。

侯 恪

一夜春風報曉梅尋花驚喜故人來相思久寄山陰
興別調今將雪賦裁薊北霜深絕過雁江南日暮想
啣杯行行此夕情何許竹逕重封待爾開
再別無它
侯恪

纔向風塵拂袖來愁顏今喜爲君開何時共赴白蓮
社此日先分水部梅石首雲晴春欲動梁園雪滿醞
初回莫歎行路須成醉聞道黃金又築臺

見遂園詩集

郊居

梁廷棟

邑人

歲晚櫪猶伏清秋帙可繙客來惟問字官過不窺軒
細草斜侵案長林曲蔽垣子雲甘寂寞莫擬辟疆園

文獻志

卷三十九

十

壬申觀水

梁廷棟

桑田突兀變龍渦白社青樽一汎槎遂有石尤來鼓
浪將無玉女又披霞占秋正得禾頭耳擅壑時聞井
底蛙牛劣不須嗟道瀟坊門宰相挽天車

杜郎遊賞

梁廷棟

端居何事負芳春春到林閒命屐頻劇有烟花隨曉
騎喜無猿鶴怨歸人短牆過酒鄉情熱活水燭蔬土
味新爲想五郎蕭寂意菟園梓澤蹟俱塵

見泡香館集

送鄭潛庵撫皖江

劉理順

杞縣人

開府臨戎建節旄皖江楚海怒飛濤幾年棠陰垂三

暑此際軍容駕六鰲桑梓並輝新組練鯨鯢先取舊
逋逃伫看露布昭青史帶礪酬庸畫閣高

見劉文烈公集

送常二如

劉理順

杞縣人

梁苑秋風動爾時識俊英聯肩登座次攜手泛舟行
瑣闥君標彩琴書我遜名祇因舊有約未遣掛冠情
承明謁帝初猶是耳提餘日醉醞醪飲兼叨夏屋居
秩宗無彼此歲月感乘除勿謂江流濶長空雁影徐

見劉文烈集

祝常二如

劉理順

清和初度綠殷殷玳瑁筵開紫氣熏遐算箕疇推五

文獻志

卷三十九

十一

福中興名世應祥雲攄籌不減營平畧納誨還同涑
水勤欲託岡陵須保艾特從曼倩效餘芬

見劉文烈公集

寄懷鄭潛庵先生

阮漢聞

尉氏人

黃支十萬控鼉梁原驛南臨水國長藁桔共恬揚子
渡虎豺終遠鄭公鄉中興正啟時全盛羣盜無煩霸
一匡何不移居分陝右高從嵩頂射天狼

見施志下同

題韓叔夜鄴廬

阮漢聞

雖復廬名鄴風雲亦宛通六窗明了處三徑沆瀣中
出自同于野居惟印以空西巖疑障眼特室似崆峒

詠變

蘇宇

日昃大風起驚沙擁戰馬長劔橫空鳴賊勢江河瀉
婦子相向哭生死頃刻下分手一相失骨肉厭原野
歷落鄉村中誰爲招魂者

負日鋤田隴流汗浹肩臂苗生方盈尺芄芃喜相視
望爾秀復實軀命憑爾寄羣蝗何忍心饕餮無顧忌
觀此常拊膺心胆墮於地

兜鍪稱健兒伍伍眉目揚飛騎游城市醉來雁鷺行
睚眦出白刃委尸大道傍年年不見寇去住任徜徉
誰謂從軍苦從軍樂未央

高衙坐貴客云是循良吏發號飛秋霜生殺明得意

文獻志

卷三十九

十一

士女同哀鳴羸骨溝壑寄上官交薦章治績方稱異

堪笑昔時人澄清欲攬轡

見中曲山房詩集

賊有索印信手本者故書

劉振之

余世受國恩欲令余醜顏從賊死不爲也余死令
鄙人知死守之義頭可斷志不可奪庶幾以死存
鄙也夫

浙米向矛頭枕戈臥城闕之死矢靡他誓灑一腔血

國朝

檜山堂贈梁曰晉

閻爾梅

沙路層層野樹蒼鞭驢呼酒檜山堂東園竹石吹新

雨不問何花滿路香

雙檜亭亭蔭畫欄深花仄徑暑天寒樓頭雲氣來嵩

少一抹空同雨後看

見白登山人集

題韓叔夜膝廬

侯方域

韓生結膝廬閉戶託一枝中夜思夷門顧我垂老時
再拜感君意贈君膝廬詩

韓生結膝廬危坐彈鳴琴載彼途路子乃爲商與參
鳳鸞愛其儀不棲惡木音

韓生結膝廬歲暮賦郊居近聞沙隄行忽摧廣柳車
嗟哉百年身努力漉芝渠

文獻志

卷三十九

十三

韓生結膝廬乃在臥龍原苦吟懷大畧隆外日覆翻
歸去詠鄙詞此意本忘言

見四憶堂詩集

鄢陵訪韓叔夜

賈開宗

霜林紅葉滿隨意一驅車座喜青山繞人憐白髮疏
篝鐙開舊釀帶露摘新蔬歸去將無老閉門合著書
共城夢韓六則愈

賈開宗

風塵吾見汝各道二毛侵飄泊三年事馳驅萬里心
轉峯孤寺起大澤一龍吟遂此遨遊志觀光久未任

以上見賈靜子集

憶永嘉令韓叔夜

顧景星

披衣就藕花回首見飛霞忽漫思良友風流在永嘉
洞天兵火隔孤嶼海氛遮仕路浮沈理才高莫嘆嗟

見白茅
堂集

送韓叔夜北歸

曾 畹

垂老永嘉令琴堂昨日辭花留靈運嶼石刻浩然詩
邊海民難徙休官願已遲衙齋滿書帙愁絕北歸時

見鄴署
雜抄

韓智度過訪

趙 賓

幾載珠崖鬢有霜飄飄杖履過茆堂名山到處留詩
句薄宦歸來賸藥囊濁酒登臺新月上東風隔水野

文獻志

卷三十九

十四

花香獨憐知己仍天末目送飛鴻憶故鄉

見學易
庵詩集

偶拈示伏邨

趙御衆

好鳥知求友同聲應綠苔不妨三徑外一任長蒿萊
雨散雲無定山空水自回嗟予眞落落唯喜共趨陪

見山曉
堂詩鈔

鄴陵懷古

梁 熙

東偏今見許爲州古邑名因晉楚留千載兵戈塵屢
息廿年荒野草仍秋温恢稱治興平後庾峻曾聞戶
口稠漫向桑田傷往事馬欄車轍係漕流
九日奎樓載酒

梁 熙

爲愛秋光載酒同凌雲層檻倚晴風潦收漁網城隈
進木落人家野逕通暮色感懷砧急響斜陽回首雁
橫空童遊十五年前路猶記狂歌輒自雄

以上見
暫齋集

林子威

曉發望鄢陵
動地春風急長征曉日寒客顏消逆旅藜藿憶家餐
墟里鳴鷄曙鄢郊立馬看寸心渾折盡行路信知難
題梁曰緝江村讀書圖四首
汪琬

長洲人

約取江春入畫圖亂紅殘絮點菰蒲鄢陵野色平於
掌也有江南此景無

文獻志

卷三十九

十五

門前花發柳毵毵若箇能停載酒驂暫次齋中無一
事焚香親校貝多函

一自吳儂別釣磯久將癡骨裹朝衣妒他花鴨春江
上日嘒芹花自在飛

刀鱗吹波上綠蘋恰逢三月石湖春期君共蕩雙蘭
漿茶磨山前結比鄰

留別曰緝侍御

汪琬

共作衰翁鬢已華拚辭京國返烟霞君愁右肘將生
柳我媿雙瞳但見花漉酒先生粗闢徑逃禪居士好
攜家他時倘命東吳駕爲報柴門傍玉遮
留詩奉送曰緝歸鄢陵

汪琬

一疏言歸達

翠華翻然漱石飲流霞卷中書

繞江邨屋門外山連嶽寺花枯坐卻宜居士服清齋

眞似太常家御亭北望遙相憶惆悵寒雲極目遮

以上

見堯峯
文鈔

題暫次齋圖送日緝侍御歸鄢陵

王士祿

新城人

刺眼竹梧靜漠漠驚心冰雪寒差差何當燕寢凝香

卷卻寫河梁執手辭

汪梁次第解朝衣阿季來歸未便歸太息題詩二三

子舉頭幾處雪鴻飛

六載蕭疎野老巾君歸也厭宰官身狂情雅擬師琴

文獻志

卷三十九

十六

牧合作齋頭捉塵人

再送日緝侍御用汪荅文韻

王士祿

翛然移疾詠東華歸臥青山嗽九霞曉潤隱囊三徑

雨春捎席帽一川花書題懶遺中朝舊屐齒頻過野

老家何處微塵能到眼茂宏有扇不須遮

以上見
次齋集

懷日緝

王士正

新城人

忽有都門信聞君廢蓼莪愁驚時序改涕爲故人多

楚樹通梁苑隋隄接汴河何時共尊酒腸斷五噫歌

歲暮懷日緝

王士正

忽夢鄢陵梁御史相逢似在大梁城談禪頌酒猶能

那側望中原無限情

題曰緝御史江村讀書圖

王士正

水市漁村短竹籬故人新辦草堂貲
客來夜雨烹春韭宴坐清齋折露葵

門外漁航箇箇輕春流滑笏縠紋平
江花江鳥不相識寫向丹青俱眼明

風日菰蘆晝下簾鐘魚聲裏悟楞嚴
從知摩詰無文字盡掃鄴侯三萬籤

再爲曰緝題江村圖

王士正

江風吹暖雁團沙細雨生潮芹努芽
不合丹青解如

文獻志

卷三十九

十七

此綠蓑黃帽欲移家

鷺兒玉雪嬌可憐春波演漾自生烟
柳枝桃蘂迷無路只有鄰翁索社錢

西臺御史馬步工下直垂簾送飛鴻
高堂雪霽展圖畫興在春江烟靄中

同茗文農部作寄懷曰緝

王士正

五字河梁寫剡藤東風蝴蝶思難勝
春來肺疾惟高枕忽欲題詩寄鄢陵

蓴菜須還沈文季送君歸思滿江湖
王生善病汪生嬾三笑何年更作圖

野鶴昂藏江海姿
文郎高格非畫師
爲君放筆圖邱壑
想見垂簾掃地時

懷梁侍御曰緝

王士正

陽夏善閉關
性不因人熱
偶然騎驄馬
非意固不屑
一歸嵩陽寺
邈與世相絕
作佛固未能
蕭然自禪悅

懷梁曰緝

王士正

驄馬歸來吏隱兼
長齋唯對水晶鹽
他年相見嵩陽寺
更爲貧兒下幾籤

以上見漁洋詩集

寄梁曰緝

葉方靄

崑山人

誰謂相去近
燕吳隔由旬
誰謂相去遠
寸心若比鄰

文獻志

卷三十九

十八

卓哉梁夫子
風義欽明神
綈絕輕解贈
鮑叔知吾貧
半生恥受憐
此道頗自振
渺視萬鍾粟
不啻埃與塵
獨感知已意
隆重比千鈞
和風被林木
黃鳥鳴好春
交交念儔侶
對物涕盈巾
無由奮雙翼
鬱結向誰陳
緘書報長路
微志聊能申

聞曰緝侍御歸里奉寄

葉方靄

不見旬時悔
吝萌那堪經
歲隔良朋每
從吳苑懷梁苑
常恨鄢陵遠
秣陵誰道青
袍眞御史
早疑白足是

禪僧枚生八月濤聲在
乘興扁舟待一登

見施志

梁曰緝之咸甯任

李繼白

臨漳人

曲江亭館漾陂邊，永日栽花吏自仙。
露滴翠微來華嶽，晴生雲樹遶秦川。
漢宮遺瓦餘珍在，唐代殘碑斷墨連。
四海斯文千古事，飽搆奇蹟寄筒箋。

考選得信東梁曰緝侍御

李繼白

年來星佩共翱翔，健翮分飛氣自揚。
桓典威稜須避馬，長卿詞賦且爲郎。
驪黃今已經殊眷，杞梓何堪較寸長。
祖笏猶存知特立，好焚諫草侍明光。

磐石庵送別梁曰緝入秦

李繼白

握手燕市遊，悲歌矢共信。
灑淚別離閒，風濤宜自慎。
送君西入秦，我將復遊晉。
秦晉未云遠，父老各通訊。

文獻志

卷三十九

十九

蕭蕭聽馬鳴，落落看鴻陣。
行雲過太行，華峯與天峻。
所思在功名，千里驅神駿。
濁酒舞長衫，春風吹短鬢。

何以發新聲，關西問楊震

以上見望古齋集

送梁曰緝侍御巡視關中茶馬

李天馥

重使行邊屬惠文，曉天繡斧晃晴曛。
清塵揚旆來秦月，驛路凝笳入隴雲。
雷霧蒙芽收五種，葡萄汗血款千羣。
明年秋色催歸節，拭目期看信叔勳。

見容齋詩稿

寄懷梁曰緝同年

馮雲驥

燕市同爲客，論交得古情。
詩成春雨細，坐久燭花生。
折柳三年別，青蒲此日名。
豸冠新氣象，諫草自崢嶸。

見山右
詩存

得梁曰緝侍御報書卻寄

宋 犖

鄢陵先生梁曰緝風格崧高竝嵬
年未五十解組歸勇退誰能似此
急庵結老學不窺園剝啄何人許
攔入昔余需次金明門冷炙殘杯
每霑及君方嶽嶽冠惠文邸舍一
樽將我揖晨夕廚俊快追陪堯峯
之叟手頻執謂汪翁貴遊車馬不
暫停我輩閉關類蟲蟄有時雄談
到五更僮觸屏風螢語澀別來忽
忽三十年舊雨相思祇於邑前一
寄書恐莫達千里報章如取給中
閒引喻詎敢承人物王東湯潛邈階級計日

文獻志

卷三十九

二十

笑謝碧油幢同向煙波著簑笠講解孝經君語謙

來書

引放翁欲為鄉鄰講孝經句

鑽研知遍經史集曰余雖老願執鞭

遙望陶城幾竝立

見西陂類稿

送梁侍御曰緝蚤發鄴城

時八月十五日

計 東

落月猶在天星輶已夙駕送遠立河渠秋風動桑柘
荷公下士心齒牙肯相借仰望林慮山峨峨冠中夏
俯瞰漳河流滔滔復東瀉慷慨高深閒誰是憐才者
賞音貴知希斯人誠大雅

八月十四日夜同梁侍御曰緝於許西山家對月八

韻

計 東

喜聞梁侍御待我子將家迎謁忘修刺看雲已落霞
清樽陶旅夜真氣滿天涯靄靄遲明月沈沈起暮笳
高言窮十緝旁徑析三車不覺秋宵至微看葉露加
玉繩簷際直銀海望中斜明日朝

天去青驄散五花

見計改
亭集

送梁曰緝侍御歸鄢陵

李良年

峩峩春明門車馬趨若驚蘭臺實要津興時闢言路
羣公何赫奕捷足振高步先生淡浮名處之以儒素
抗章羞雷同好道展夙悟讀易與逃禪因之託深趣
鄙人忝招要三載接情愫塵言朝每聞尊罍夕屢赴

文獻志

卷三十九

二十一

於焉挹清芬景行有餘慕彳亍泥途閒爲感孫陽顧
執手歡未極驄馬去如何風吹蘆溝月千里同寒柯
驅車涉冰雪鳴鞭越陂陀嗟予秉微尚恥向朱門過
交親能幾人還歸一何多長洲旣乞假去翦支劓蘿
先生念高堂亦復回巖阿衰楊不堪折對酒難爲歌
少別豈足惜後會毋蹉跎

我聞嵩陽峯遠對鄢陵郭二室俯空濛三花宛淖約
以奉白髮人堪娛流霞酌扁舟更相期欲采江南藥
江南我故鄉柴門帶林薄肯來訪漁磯還賦高軒作
平生遊覽意恨未探五嶽便欲裹青精相從溯川雒

馬首望鄢陵懷梁侍御

李良年

最憶梁夫子投簪返舊林沽名章不上籌世意何深

侍御嘗言今日遭逢聖世不難建白奉行非人豈
惟膏澤不下而已吾居言路隨事盡職敢爲名耶既
而移疾去位識者以爲富哉
斯言非一意諤諤者所知也齋食緇僧笈山裝絡故

琴停鞭欲有問行藥渺前岑

見秋錦
山房集

留別常京兆百子先生

劉青藜

襄城人

昔年遊太學蹟忝融泰俱公乃丈人行門庭嘗奔趨
是時冠惠文白簡奏青蒲鐵面慄冰霜屈意下潛夫
華筵留晚醉夜嘯城樓烏荏苒踰一紀雲泥望更殊
畫省星光燦翱翔五色雛老鳳摩丹霄赫赫張趙徒

文獻志

卷三十九

二十一

詩癖容賈島驢背衝前呼一見話疇昔憐我貌加癯
前期轉浩蕩入耳色敷腴告歸嫌倉卒易酒約重沽
回首囑曹椽休問南歸符

謂路
引此

此生久蹭蹬自分老

菰蘆受德不知報行行但踟蹰

見高陽山
人詩集

送王子厚給諫歸鄢陵

梁清標

消渴文園久憶家人歸梧省綠陰斜一門及第看青
髻四月趨庭擁絳紗授簡已虛梁苑雪開樽猶及洛

陽花

聖朝不諱累封事莫使閒身老歲華

見焦
林集

送王子厚給諫歸里

魏象樞

蔚州人

家學淵源道德尊十年來去重西垣拾遺補闕終朝
望莫謝蒼生獨閉門

見石刻

寄汪若木令鄆陵

吳銘道

貴池人

割雞且試汴之湄氣象承平慎繭絲境內耰鋤民有
色官方廉靜吏何欺遙知子舍常縈夢早放公衙自
詠詩傳語安陵諸父老令君慈爾更無私

見復古詩集

留別鄆陵

汪爲熹

一從佩綬入風塵歷涉艱難志未伸賸有寸心堪矢
日慚無異政可驚人菜根夙懍家庭訓宦况時懷大
海津枳棘栖遲經六載琴堂剛喜德星鄰

邑西有陳太邱德星

文獻志

卷三十九

二十二

堂

名家舊第圃園中洎水西頭潁水東倚檻每憐香磔
酒當階時愛藥翻紅多情弗諼青衫士盛德難忘白
髮翁他日量移重過此相逢依舊坐春風

囊琴籠鶴上輕車廉吏難爲信不虛阻道殷勤今日
酒歸裝蕭澀舊時書采將麥隴雙歧穗好慰高堂兩
板輿馬首依依難別處停鞭緩轡意踟躕

見鄆署雜鈔

宋滋庵令鄆陵寄贈

徐用錫

母近百齡兒近耄河陽初鼓不齊琴壯圖勇破懸車
例識者同悲捧檄心忍忘臺菜三疊好知銘忠孝兩

言深口碑便是高堂祝何用心經萬本臨見圭美

鄢陵館舍

朱楓

園林深處見樓臺忘卻寒衝朔雪來古樹幾聲春近
鳥疏籬數點臘前梅櫻櫚愧作多年別缸面欣逢此
夕開彷彿石門河畔路雲松夾岸夜航迴壁間有宋

施志

石門畫

